

屢以甘言相語，出羽山北俘囚主清原真人光賴，舍弟武則等，令與力官軍，常贈以奇珍，光賴武則等漸以許諾。康平五年七月，武則率子弟發萬餘人兵，越來當國，到栗原郡營崗，於是將軍大喜，率三千餘人軍。七月廿六日發向，八月九日，到彼營岡，迭陳心懷，拭淚悲喜。十六日，定七陣押領使，武則赴松山，道次警井郡中山大風澤，翌日，到同郡萩馬場，彼此合戰，射斃賊徒六十餘人，被疵逃者不知其數，賊衆捨城逃走，則放火燒其柵了。官軍死者十三人，被疵者百五十人也。其後遭霖雨，徒送數日，糧食已盡，軍中飢乏，各遣兵士，令荊稻等，給軍糧間，漸經十八箇日，殘留營中者僅六千五百餘人也。爰貞任等傳聞官軍爲求兵糧，四方散亂，九月五日，引率精兵八千餘人，動地襲來，玄甲如雲，白刃耀日，兩陣相對，交鋒大戰，貞任等敗北，到警井河，或墜高岸，或溺深淵，於河邊射殺賊衆百餘人，奪取馬三百餘疋也。武則等以精兵八百餘人，暗夜尋追貞任等，遂棄高梨宿并石坂柵，逃入衣河關，卅餘町程，斃亡人馬宛如亂麻。六日攻入衣河，燒重々柵了，殺傷者七十餘人。十一日襲鳥海柵，宗任等棄城逃走，保厨川柵射殺賊徒卅二人，被疵逃者不知其員。十五日酉剋到著厨川柵，十六日卯時攻戰，終日通夜積弩亂發，矢石如雨，官軍死者數百人。十七日將軍令士卒曰：各入村落，壞運屋舍，填之城邊，又每人荊萱草，積之河岸，壞運荊積，須臾如山，將軍下馬遙拜，皇城誓曰：昔漢德未衰，飛泉忽應，校尉之節，今天威猶新，大風可助老臣之忠，伏乞八幡三所吹火，燒亡彼柵，則自把火稱神火投之。是時有鳩翔軍陣上，將軍再拜，暴風忽起，煙燭如飛，樓櫓屋舍，一時起火，城中男女數千人，同音悲泣，或身於碧潭，或倒首於白刃，官軍以鉞刺貞任，載於大楯，六人舁之，將到將軍之前，其長六尺有餘，腰圍七尺四寸，貞任經清重任等一夕斬生首，又經數日，宗任等九人歸降。○中略十二月十七日國解言，斬獲賊安倍貞任等十人，歸降者安倍宗任等十一人，此外貞任家族无有遺類。上六年二月十六日，鎮守府將軍前陸奧守源賴義梟俘囚安倍貞任，散位藤井經清等三人首傳京師，檢非違使等向東河受取，繫其首於西獄門，見物之輩貴賤如雲。○下略

〔中右記〕寬治元年十二月廿六日甲辰，今日進陸奧國解也，守義家朝臣追討俘囚了。